



Inatsisartuni ilaasortaq Isak Hammond  
/MAANI

**Apeqqummut nr. 2010 -210-mut akissut, sinerissap qanittuani aalisartut 8 miiterit sinnerlugit takissusilinnik angallataatilinnut oqilisaanissaq pillugu iliuseqarnissamut tunngasoq**

Inatsisartut suleriaasiat § 36 immikkoortoq 1 naapertorlugu, aperisimavutit, sinerissap qanittuani aalisartut 8 miiterit sinnerlugit takissusilinnik angallataatilinnut oqilisaassinissaq pillugu iliuseqartoqassanersoq? Apeqquq Aalisarnermut, Piniarnermut Nunalerinermullu Naalakkersuisoqarfimmut akisassanngorlugu innersuussutigineqarsimavoq.

**Tulliuttut apeqqutigaatit:**

”Sinerissap qanittuani aalisartut 8 miiterit sinnerlugit angissusilinnik angallataatilinnut oqilisaassinissamik iliuseqartoqarniarpa?

Sinerissap qanittuani 8 miiterit sinnerlugit angissusilinnik angallataatilinnut aningaaserivimmut (Bank-imut) akilersuisunut oqilisaataasinnaasunik iliuseqartoqarniarpa?

Aalisarnikkut ajornartoormi pigisanik nalilinnik annaasaqannginnissaq siunertaralugu Naalakkersuisut qanoq iliuseqarniarpat?”

**Apeqqummut akissut:**

Aallarniutitut erseqqissaatigerusuppara, nunatsinni sinerissap qanittuani aalisarnerup aningaasatigut ingerlanera ilungersunartorujussuartut isigigakku, taamaattumillu aalisarnerni ataasiakkaani ineriartorneq malinnaaffigilluarakku.

Apeqquutinut akissutitut ilisimatitsissutigisinnaavara, maannakuugallartoq Naalakkersuisut aalisartunut 8 miiterit sinnerlugit angallataatilinnut oqilisaassinissamik iliuseqarnissamut siunnersuuteqarnissamut pilersaaruteqanngimmata. Maannakuugallartoq aamma pilersaaruteqartoqanngilaq aalisartunut taakkununga oqilisaanissamik, naak taakku aningaaserivinnut assigisaannullu akiitsoqaraluartut. Inussiarnersumilli aningaaseriviit kaammattorsimavavut akiligassanik utertilluni akiliinissamut atatillugu ukiup ingerlanerani isertitat nikerarsinnaasarnerat eqqarsaatigeqqullugu.

Ilisimavara ukialerana nammineq aalisartut qalerallinnik sumiiffinni allani, najukkamik avataanni aalisarnissamut periarfissaannut killiliisoq. Naak 2010-p sin-

22. oktober 2010  
Sagsnr 2010-039785.  
Dok. Nr. 483492

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

nerani pisassiissutit killeqaraluartut, isumaqarpunga aalisartut namminneq aqut-siveqarfimmi avataani allami aalisarnikkut isertitaqarsinnaasut.

Taamaattumik maannakkorpiaq allatut aalisartunut tapersiinissamut pilersaarute-qartoqanngilaq. Taamaattorli aalisartut kaammattorusuppakka, taamaaliornissamut periarfissaqarunik, ilinniagaqaqqinnissaminnut neqeroorfigineqassagunik, neqeroorut tigoqqullugu, taamaaliornikkut inuiaqatigiit suliassaasa tiginissaanut piareersimanagerussammata.

Inussiarnersumik inuulluaqqusillunga

Ane Hansen